

*Kommuneqarfik Sermersooq*

*aamma*

*Namminersorlutik Oqartussat akornanni*

*Majorianik ingerlatsineq pillugu*

*naammassisassanut isumaqatigiissut*

*2022-2024*

# Imai

1	Aallarniut .....	2
2	Tunuliaqutit .....	2
3	Siunertat .....	3
4	Anguniakkat .....	4
5	Naammassisassatut anguniakkat.....	4
6	Nalunaarusiortarneq.....	9
7	Sulisorisat.....	11
8	Aaqqissuussaaneq .....	11
9	Aningaasaqarneq .....	12
10	Ingerlatsinermut tapiissutit .....	13
11	Nakkutilliineq .....	15
12	Akerleriissutaasut, pisussaaffimmik sumiginnaaneq aamma kalerriisarneq.....	16
13	Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq .....	17

## **1 Aallarniut**

Namminersorlutik Oqartussanut isumagisassatut Kommuneqarfik Sermersooq suliassanik anguniagassanillu imminut pisussaaffilerfigisaanik isumaqtigiissut manna aalajangersaavoq. Tassunga Namminersorlutik Oqartussat ukiumoortumik ingerlatsinermut tapiissuteqartarput. Kommuneqarfik Sermersooq aamma Namminersorlutik Oqartussat akornanni suleqatigiinnermut isumaqtigiissut tunngaviuvoq, tassaassaarlu illua'tungeriinnut tamanut aqutsinissamut sakkussaq. Ilitsersuisarnermut piginnaanngorsarnermullu ilarisai pillugit Namminersorlutik Oqartussanit ingerlatsinermut tapiissutit akiliutiginissaannut tunngavigisatut kommunimi Majoriami imaluunniit tassunga atatillugu suliassanik isumagineqartussanik isumaqtigiissut imaqrpoq. Majoriamut aammalu Majoriami suliassanut toqqammavissanut, Namminersorlutik Oqartussat aamma kommunip/Majoriap akornanni sunnivigeqatigiiffinnut ataatsimut takussassaqarfittut, kiisalu suliassat annertussutsinik tamanik ilanngussuusumik nalunaaruteqartarnermut najoqqtassamik ilanngussat isumaqtigiissummi ilanngunneqarput.

Kommunimut tapiissutaasut aqqutigalugit suliffeqarnermut tunngasortaanut aningaasartuutit kommunip akilissavai.

Ukiunut pingasunut, 1. januaari 2022-mit 31. decembari 2024-mut isumaqtigiissut atuuppoq.

Majoriamut ingerlatsinermut tapiissutit aamma ilinniartut amerlassusissaat "Majoriamut tapiissutinik isumaqtigiissut"-mi nassuarneqarput.

## **2 Tunuliaqutit**

Suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapertorlugu kommunimi illoqarfinni tamani Kommuneqarfik Sermersooq kommunalbestyrelse Suliffisanut, Ilitsersuinernut Pikkorissaqqinnernullu Qitiusumik ingerlatsivinnik pilersitsivoq. Ingerlatsiviit taakku taaguutigaat Majoriaq.

Majoriaq tassaavoq makkuninnga pingarnertut suliaqarfiusutut aaqqissuussaaffiusutut ingerlatsivik:

- 1) Nuna tamakkerlugu akeqanngitsumik sullississallutik suliffeqarnerup ineriertortinneqarnissaanut, tamatumani aamma nukitorsassallugu sulisinnaasut piginnaasatigut ineriertornissaat, aamma nunap iluani sumiiffinnut assigiinngitsunut nikilertortarnikkut nuttarsinnaanissaat.
- 2) Sumiiffigisami, nunap immikkoortuani aamma nunami namminermi ornigaqartuuusumik suliffeqarfimmi iliuuserisamik suliaqartarnissaq. Inuitissarsiorfiit atorfiillu tamaasa iluini pivusunik atorfinititsinerit pilersinnissaat siunertaralugit suliffissarsiortut sulisartullu akornanni attaveqaasersuineq.
- 3) Suliffeqarfimmi atajuartumik suliffeqalernissaq anguniarlugu suliffissarsiortut tamakku suleqatigalugit suliffimmi qaffakkiartorfissanik ilitsersuisarnermik neqerooruteqarlunilu inunnut ataasiakkaanut iliuusissatut pilersaarusrornerit.
- 4) Suliffissarsiortut piginnaanngorsarnissaannut sulianut tunngasunik pikkorissartitsinernik innersuussisarnerit.
- 5) Ilinniagaqarnermik suliassaqarfiusumut qinnuteqartunik ilitsersuillunilu allaffissornikkut aqtsineq.

- 6) Meeqqat atuarfianni klassini angajullerniittut ilitsersornissaat pillugit meeqqat atuarfiannik suleqateqarneq.
- 7) Suliffissarsiortut piginnaanngorsarnissaannut sulianut tunngasunik pikkorissartitsinernik innersuussisarnerit. Ilinniagaqalernissamut suliffeqalernissamulluunniit piareersimalernissamut piginnaanngorsaanermik ingerlatanik Majoriaq suliaqartassanersoq kommunalbestyrelsip aalajangersinnaavaa.
- 8) Innuttaasunik suliffissarsiortunuk sulisinnaasuseq aallavigalugu tulluarsaqatigiaarineq. Suliani nalornissuteqarfiusumi Suliffissanut, ilitsersuisarernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 3 malillugu Suleqatigiinnissamik Aaqqissuussivimmi misissuisoqarnissamik innersuussisoqassaaq.
- 9) Killilimmik sulisinnaassusilinnut innuttaasunut piginnaanngorsaaqqinnernik allaffissornikkut aqtsillunilu ilitsersuisarneq, ilanngullugit piginnaanngorsaaqqinnermut pilersaarusiortarnerit.
- 10) Suliffissarsiortfittut nittartakkami, attuumassutilittullu databasini allani suliffissarsiortunuk nalunaarsuisarnerit.

Tamakku saniatigut Majoriaq suliffeerunnermut piginnaanngorsaaqqinnermullu ikorsiissutinik aqutsisuuvvoq, nuttarnerulersiniarluni aningaasaliissutaasartunik suliaqartarluni, kiisalu nunap avataaneersunik sulisussarsiortarnermut qinnuteqaatinik aqutsisuulluni.

Suliffeqarfimmik, ilinniagaqarnermik imaluunniit piginnaanngorsaanermik ilitsersuinermut tunngasutut kommunimut saaffiginninnerit Majoriakkut pisarput. Tamanna “ataasiinnarmik saaffiginnittarfittut tunngavigisamik” taaguuteqarpoq, tassaavorlu Majoriamut tunngavigisaasoq, takuuk aaqqissuussineq pillugu § 8.

### 3 Siunertat

Majoriamut pingaarnertut siunertat tassaapput:

- Innuttaasuni ilinniarsimassutsip annertusisinnissaa
- Suliffissaaleqinerup annikinnerulersinnissaa
- Tamatigoortumik sulisartuni piginnaasat nukittorsarnissaat

Majorissanik pilersitsineq tassaavoq suliffeqarnerup annertusarnissaanut Naalakkersuisut periusissiaasa ilaat. Tamanna nunatsinni suliffeqarfimmik ataatsimoortitamik ataatsimik pilersitsinikkut pissaaq, tamatumunnga tapersersuisunik piginnaasalinnik sunniuteqarluartunillu aqutsisoqarfinnik peqartillugu. INGERLATSIVIIT “ataasiinnarmik saaffiginnittarfittut tunngavigisaq” qularnaassavaat, taamaalillutik suliffissarsiortut, aamma inuuusuttut suli ilinniagaqalinngitsut, imaluunniit suliffeqarfimmiiersimanngitsut qanoq ingerlariaqqinnissaminnut pilersaarusiortiusinnaassammata, aammalu piffissamut ungasinnerusumut suliffeqarfimmut qanoq isernissaannut, imaluunniit uteqqinnissaannut pilersaarusiortfigineqarlutik. Tamakku saniatigut innuttaasut piginnaanngorsagaanissaminnut neqeroorfigineqassapput.

## 4 Anguniakkat

Majoriamut pingarnertut anguniagaq tassaavoq suliarisani suliassaqarfiit: suliffit, ilitsersuinerit piginnaanngorsaanerillu akornanni sunniivigeqatigiinneq sapinngisamik pitsaanerpaamik atugaqarfialugu suleriaatsinik assigiaartunik sunniuteqartunillu pilersitsinissaq. Innuttaasup qitiusumik inissismalersinnissa, aamma suliffeqarfiusumut ilalsuuteqarnissaanut sapinngisamik pitsaanerpaamik ilitsersorneqarlunilu piginnaanngorsagaanissa, kiisalu ikiorserneqarnissa tamatuma isumannaassavaa.

Anguniakkat ilaat tassaapput:

- Suliassat akornanni ilitsersuineq ataqtigissaarinerlu pitsangorsarneqassapput. Suliffeqarfik, ilinniagaqarneq imaluunniit piginnaanngorsaaneq pillugit ilitsersorneqarnissamik qinnutiginnittup ilitsersuutit paasissutissallu nassaariniarneranut tamanna oqilsaassaaq.
- Immikkut ittunik piginnaasanik pisariaqartitsinermut tunngasunik inuussutissarsiorfimmik oqaloqateqartarneq pitsangorsassaaq. Tassani piginnaanngorsaanermik aamma/imaluunniit nangitamik ilinniagaqarnerit sapinngisamik siamasinnerpaasutut pisariaqartitsinermut tunngasuussapput.
- Ilinniakkami piginnaanilersitsisumik inuuusuttut qinnuteqartut tiguneqartullu amerlanerulersinneqassapput. Tamanna aamma innuttaasunut suliffeqarfimmi atugassarisanik pitsangorsasussatut naatsorsuuteqarfiusunut sulisartooreersunut piginnaanngorsaanermut tunngavoq. Ilitsersuisarnerup pitsaanerusup nassatarisaanik ilinniagaqartuni taamaatitsisartut ikinnerulernissaat aamma tunngaviuvoq.

Sulisartuni piginnaasat pitsaaninnortinnissaannut tamanna aqutissiuissaq, taamaalillutik innuttaasut amerlanerit ilinniagaqarsimasuulissammata/ilikkagaqartitaasimassammata, taamaalillunilu inuussutissarsiorfiup immikkut ittunik piginnaasanik piumasaqarnera annertunerusumik taperneqarsinnaassalluni.

Anguniagassat piviusunngortinniarlugin ilinniagaqarniarlutik qinnuteqartunik ataasiakkaanik tamanik ilinniakkamut piginnaalersitsisumut aamma/imaluunniit ilinniagaqalernissamut piareersaasumut ilaatigut ilitsersuinertigut piareersaatitullu ingerlatatigut, imaluunniit FA-mi<sup>1</sup> piginnaanngorsasutut ingerlatsinikkut imaluunniit atuagorsornerunngitsumik piginnaanngorsaanikkut Majoriaq piginnaanngorsaaniassaaq.

## 5 Naamassisassatut anguniakkat

Nunatsinni suliffeqarfimmi pingarnertut anguniagaq tassaavoq nunami innuttaasut akornanni sapinngisamik annerpaamik suliffissaqarsinnaanissaq. Inuussutissarsiorfimmik immikkut ittunik sulisartunik pisariaqartitaasunik sulisartuni piginnaassuseqarfiup inissismaffiata takusassartaqarneratigut tamanna anguneqassaaq. Anguniakkat ilaat tassaapput:

<sup>1</sup> FA: Meeqqat atuarifianni Inaarutaasumik misilitsinneq.

- Inuuusuttut 30-t inorlugit ukioqartut ilinniagaqarnissap tungaanut ilitsorsorneqassapput. Inuuusuttut ilinniagaqaratilluunniit suliffeqanngitsut orniguffigalugit ilitsorsorneqassapput. Kalaallit Nunaanni Naatsorsueqqissaartarfik malillugu 2019-imi inuuusuttuni 33 %-it ilinniakkamik ingerlataqaratilluunniit suliffeqartuunngillat.
- Suliffissarsiortut siusinaartumik soraarnerussutisialinnut suliffeqarfimmut uteqqinniartunut suliffissarsiussisarfik ingerlatanik aallartisaassaaq, paasisaqarniarlunilu ingerlatat piaarnerpaamik pisassapput, aammalu pisariaqartitsinerit malillugit.
- Sivisuumik suliffissarsiortuni 60 %-it piginnaanngorsaaqqinnermik ingerlatamik aallartitaqassapput, piginnaanngorsagaqqittullu tamarmik malittarineqartuassapput. Minnerpaamik qaammatit pingasukkaarlugit malittarininnerit ingerlanneqartassapput.
- Ingerlariaqqinnissaminnik kissaateqarlutik saaffiginnittunut innuttaasunut ataasiakkaanut tamanut inummut tunngasunik pilersaarusiortoqartassaaq. Innuttaasumut iliuuseqarnissamik pilersaarusiornissaq inatsisitigut pisussaaffiuvoq, periuserlu atorneqartussaq suleriaasissatut nassuaatini nassuarneqarpoq.
- Sulisinnaasuseq aallavigalugu tulluarsaqatigiiarineq eqqortoq isumannaarsimassaaq.
- Majoriap saaffigisaanut kommunalbestyrelse anguniagassanik suliaqassaaq. Majoriamit ingerlatsiviit pillugit ukiumoortumik nassuaatip nassiunneranut atatillugu taakkununnga Majoriaq nassuaassaaq, takuuk kapitali 6.
- Ilinniartunut nutaanut aallartitsissutitut ingerlattakkamik ukiumut minnerpaamik ataatsimik Majoriaq suliaqartassaaq.

Suliffissaleqinerup annikillisinniarneranik anguniakkamik tikitsiniarluni suliamik isumaginninnermik pitsaanerpaamik kommunip isumaginnittarnissaa siunertarineqarpoq.

#### A. Majoriamit saaffigisat

- Suliffissarsiortunik sulisinnaasuseq aallavigalugu tulluarsaqatigiiarineq 1 aamma 2-miittut tamarmik. Sulisinnaasuseq aallavigalugu tulluarsaqatigiiarineq 3-miittut isumaginninnermut ingerlatsivimmit misissugarineqassaapput.
- Suliffissarsiortut tamarmik.
- Kalaallit Nunaanni avataanilu ilinniagaqarnissamut ilitsorsorneqarnissamik qinnutiginnittut tamarmik,<sup>2</sup> kiisalu suliffeqarfimmut tunngassutillit.
- Inuuussutissarsiutinik ilinniarfinni ilinniarnerup aallartinnerani ilinniartut, aamma sungiusarnerup nalaaniittut.
- Meeqqat atuarfianni atuartut 16 it tikillugit ukiullit Tamanna Meeqqat Atuarfiat suleqatigalugu pissaaq.
- Ilinniagaqalernermet imaluunniit suliffeqarfimmilernermet piginnaanngorsagaanissamut qinnuteqartut.

---

<sup>2</sup> Kalaallit Nunaanni ilinniartaaanermut inuuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-imeersoq, kingusinnerusukku allannguutit llanngullugit, kap. 4, § 18

- Innuttaasunut katsorsagaanissamik pisariaqartitsisunut, imaluunniit Majoriamit neqeroorutaasinhaasumut naleqqiullugu immikkut ittumik tapersersortarialiannut innuttaasoq kommunimi isumaginnitqarfimmut innersuunneqassaaq. Tamatuma kingornatigut innuttaasunut eqimattunut taakkununnga sapingisamik pitsaanerpaatut sularisassat pillugit isumaginnitqarfillu suleqatigiissutigalugit aallartisarneqarsinnaapput<sup>3</sup>.

Innultaasunik sulisinnaasuseq aallavigalugu tulluarsaqatigiaarineq Majoriaq isumaginnissaq, aamma tulluarsaqatigiaarineq pillugu nalornisoqarfinni aamma/imaluunniit taakkununnga oqartussaasoqarfiup sorliup akisussaaffignerini suliassaq suleqatigiinnermut aaqqissuussiviusumut, Majoriamit peqataaffigineqartumut, ajornangippallu pisariaqartitsinerit malillugit meeqqat atuarfiannit aamma inunnik isumaginnitqarfinit peqataaffigineqartumut innersuussutaasinnaavoq. Suleqatigiinnermut aaqqissuussiviuup taamaalilluni Majoriami imaluunniit inunnik isumaginnitqarfimmi attuumassuteqarnerpaatut suliassamik isumaginninnissamut innersuussinnaassavaa.

Suleqatigiinnermut aaqqissuussivimmi Majoriamit, inunnik isumaginnitqarfimmit, kiisalu meeqqat atuarfiannit sinniisunik peqaataasoqassaaq, takuuk Suliffisanut, ilitsersuisarnernut pikorissaqqinnernullu citiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 5.

## B. Majoriami suliassat nassuiarneri

Inatsisinik naoqqutaqarluni suliassanik arlalinnik suliaqarnissaq communalbestyrelsip akisussaaffigaa. Naammassisassanut isumaqatigiissut manna tunngavigalugu suliassanik ataaniittunik isumaginninnissaminut communalbestyrelse akisussaaffeqarpoq:

### I. Ilitsersuineq

- Innultaasunik ilitsersugaanissamik qinnutiginnittunik akuerinnillunilu ikuisarnissaq, ilitsersuinermillu neqerooruteqartarnissaq, ilanngullugu qaffakkiartorfissanik ilitsersuineq.
- Inuuusuttut ilinniagaqarfittut aaqqissuussaaffit suliffeqarfiullu avataaniittut orniguffigalugit ilitsersugarineri.
- Innuttaasunut ataasiakkaanut (tamatigoortumik) iliuusissatut pilersaarusiortoqassaaq. Iliuusissatut pilersaarutip aaqqissuussivik tamakkerlugu innuttaasoq malittarissavaa, apeqqutaanatik suliassanik isumaginnitqarfittut aqutsisoqarfiiit.
- Innuttaasut suliffissarsiortut misissugarineri, kiisalu suliffeqartut kivitsiviginissaminnik pisariaqartitsisut, soorlu sorianut tunngasutut pikorissartitsinernut (Aningaasanut inatsimmit tunngaveqartunik, PKU, AMA allallu). Iliuusissatut pilersaarummut pikorissartitsinerit ilaatitaassapput.
- Pikorissartitsinernik neqerooruteqarnernut tunngatillugu inuussutissarsiutinik ilinniarfinnik qanimut oqaloqateqarneq.

<sup>3</sup> Innuttaasut FA-miittut aamma atuagarsornertaqanngitsumik ingerlassaniittut, kiisalu inuutissarsiutinik ilinniagaqartut pineqaraangata ilinniarnertuunngorniartut Siunnersuisarfiannut innersuussisoqassaaq.

- Sumiiffisami, nunap immikkoortuani nunamilu namminermi inuussutissarsiorfimmum orniguttartuullunilu qanumut attaveqartuuneq.
- Tulluartuusutut kommunalbestyrelsip isigissappagu ilitsersuinerup ilai qitiusumut inissisorneqarsinnaapput, taamaalillutik qitiusutut inissisimaffilitut ilitsersuisartut sumiiffikkaani ilitsersuisarnermik tapersersuisinnaassammata. Innuttaasut sapinngisamik pitsaanerpaamik ilitsersorneqarnissaat qularnaarniarlugu taamaaliortoqassaaq. Ilitsersuineq qarasaasiakkut internettimi pisinnaavoq, Skype assingusullu aqqutigalugit.

**II. Tamatigoortumik ilinniagaqarnermut ilitsersuineq, kiisalu inuussutissarsiutinik ilinniarfinni ilinniartunut immikkut ittunik ingerlataqarnerit**

- Ilinniagaqarnermut ilitsersuinerup isumaginera.
- Kalaallit Nunaanni ilinniakkanut qinnuteqarnissamut immersugassanik immersuinermik ikorsiineq, aammalu ilanngussassatut pisariaqartitat tamarmik ilanngunneqarnissaannik isumaginninneq.
- Kalaallit Nunaanni ilinniakkanut qinnuteqaatit, kiisalu ilinniagaqarnersiutinut qinnuteqaatit tigoorarlugillu ingerlateeqqinneri.
- Kalaallit Nunaanni inuussutissarsiutinut ilinniarfimmit neqeroorutaanngitsumik Danmarkimi inuussutissarsiutinut ilinniakkanut qinnuteqaatinik tigooraaneq. Tamanna annertunerpaamik Nuummutter atuuttuuvoq.
- Ilinniakkami tiguneqarnissamut qinnuteqartunut inunnut tunngatillugu IT-reg.-imi nalunaarsuillunilu paasissutissanik katersuineq, takuuq nalunaaruteqartarneq pillugu immikkoortoq 6.
- Ilinniarneq sioqqullugu sungiusarnerullu nalaani inuussutissarsiutinik ilinniagaqartunut ilinniakkamut sungiusarnermullu ilitsersuisarneq, ajornanngippat inuussutissarsiutinik ilinniarfinni.
- Ilinniartut pilligit oqaaseqaatit suliarineri.
- Inuussutissarsiutinut ilinniarfinnut inuussutissarsiutinik ilinniartunut aallartitsissutit ingerlatanik naammassisqaqtarneq.
- Sungiusartarfissanik suussusersillunilu taakkununnga attaveqartitsisarnerit.
- Sungiusartarfittut akuerineqarnissaq pillugu qinnuteqaatit tiguneri ingerlateeqqinnerilu.
- Ilinniartunut isumaqatigiissusiornerit. Ilinniartoq illoqarfigisami avataani sungiusarfissamik nassaarpas illoqarfigiligassap ilinniartumut isumaqatigiissutissaq suliarissavaa.
- Inuussutissarsiutinut ilinniarfinnut attaveqartarneq, illua'tungerillu pingasut akornanni oqaloqateqartitsisarneq.
- Ajornanngippat nunap immikkoortuani ilinniarfimmi ingerlataqarnerit.

**III. Piginnaanngorsarneq**

- Piginnaanngorsaanernut atuagarsornertalinnut aamma atuagarsornertaqanngitsunut ingerlatanut, soorlu sannavinni sulinissamullu sungiusarnertut ingerlatatut ittuni innuttaasut suliffissarsiortut misissuiffagalugillu ilitsersorneri.

- Inunnut ilinniagaqarnissamut piginnaanngorsaaviginissaminik kissaateqartunut FA-mi ingerlatanik naammassisaqartitsinerit.
- Inuuusuttunut suliffissaaleqisunut, allanullu suliffeqarfimmut imaluunniit ilinniagaqalernissamut piareersarneqartussatut saaffigisanut paasissutissiinermik ingerlatanik naammassisaqarnerit.
- Majoriap suleqatigisaani højskolini tamakkunani højskolernissamut misissuinerit. Danmarkimi højskolinik attaveqaqatigiinnermik taakkununngalu tunngasunik tamanik Qaqortumi Majoriamittooq Grønlands Center for danske højskoler - GCDH (Danmarkimi højskolinut Kalaallit Nunaanni Ingerlatsivik) isumaginnittuuvooq.<sup>4</sup>

#### **IV. Inuuusuttut 18-it tikillugit ukiullit pillugit kommunimi atuarfeqarfimmik suleqateqarneq**

- Piareersaanermik, aamma ikaarsaariarfimmi ilitsersuinerit naammassinerinik kommunimi atuarfeqarfimmik ikiuineq – pineqarlutik meeqqat atuarfiat, tunngaviusumik atuarfiit namminersortut, efterskolit folkehøjskolillu, aamma ilinniagaqarfiit.
- Ilitsersuinermut atugassanik atuartunut soraarummeertunut meeqqat atuarfianni sularisatut iliuusissatut pilersaarutit assilinerinik, kiisalu atortussanik pisarialinnik allanik tigusaqarnerit, ilanngullugit atuartunut ataasiakkaanut taakkununnga soraarummeernermut uppernarsaatit, aamma karakteerit.
- Inuuusuttut immikkut ittumik ilitsersuinermit iliuuseqarfingineqanngikkunik ilinniakkap imaluunniit suliffiup toqqarnissaanut, aallartinnissaanut imaluunniit naammassinissaanut ajornartorsiuteqartut imaluunniit ajornartorsiuteqartussat anguniagaqarfigisamik ilitsersugarinerinik isumaginninneq.
- Inuuusuttunik meeqqat atuarfiannik imaluunniit assingusumik ilinniartitaanissamik pisussaaffigisamik ingerlatap naammassinerata kingornatigut ilinniakkamik imaluunniit suliffimmik aallartitaqarsimannngitsunik, imaluunniit ilinniagaqarnermit ingerlatamik taamaatitaqarsimasunik orniguffiginnilluni ilitsersuineq.
- Inuuusuttoq ilinniakkamik ingerlassaqassanngippat, imaluunniit suliffeqassappat, imaluunniit ilinniagaqarnermit ingerlatamik taamaatitaqarsimassappat inuuusuttoq aamma angajoqqaatut oqartussaassusillit suleqatigalugit ilinniagaqarnissamut iliuusissatut pilersaarusiorneq.
- Inuuusuttoq meeqqat atuarfiannit ilinniagaqarnissamut iliuusissamut pilersaaruteqassanngippat inuuusuttup atuarfigisimasanik suleqateqarluni iliuusissatut pilersaarusiorneq qularnaarneqassaaq.
- Ilinniagaqarnissamut iliuusissamut pilersaarutip piviusunngortinnissaa, aamma anguniakkat nutaat imaluunniit iluarsaqqitat aalajangersarnissaat pillugit inuuusuttumik 16-it inorlugit ukiulimmik aamma angajoqqaatut oqartussaasut oqaloqatigineqarnissaasa qulakkeernissaat.

#### **V. Suliffissarsiuussineq**

- Atorfinnik sunilluunniit suliffissarsiortunut suliffissarsiuussinermik suliffissanillu innersuussinernik isumaginninneq, kiisalu inuussutissarsiorfinit tamanit sulisitsisunut sulisartunit innersuussisarnerit.

<sup>4</sup> Isumaqatigiissuteqarfingisanut naleqqiullugit højskolini allani innuttaasunik højskolertitsisoqarnissaq kissaatigineqassappat naalakkersuisoqarfik isumasiorneqassaaq, aamma innuttaasup nojugaqarnissaat pillugu Kalaallit Illuat ilisimatineqassaaq.

- Siullerpaamik suliffissarsiortunut tamanut ilitsersuiffittut oqaloqatigiinnissamut piffissaliineq, aamma tamatigoortumik iliuusissatut pilersaarusiorneq.
- Innuttaasut suliffissarsiortut suliffissarsiorfittut nittartakkami databasinilu attuumassutilinni allani nalunaarsorlugillu neqerooruteqarfigineri.
- Suliaqalersitsinernik, piginnaangorsaaqqinnernik allanillu ilinniagaqalersitsinerit isumagineri.
- Siusinaartumik soraernerussutisialinnut sivisuumillu suliffissarsiortunut ilitsersuinermik kaammattuinermillu ingerlatanik ingerlatsisarnerit.
- Suliffissarsiortut [www.suli.gl](http://www.suli.gl)-imi CV-liorneranni ikiorneri.
- Suliffissarsiortunik sulisinnaasuseq aallavigalugu tulluarsaqatigiaarineq.
- Suliffeerunnermi ikorsiissutisisussatut suliffissarsiorallartut nalunaarsorneri (ingammik suliffissuarni sulisut angerlartitat assingusullu).
- Suliffissarsiortunut pikkorissartisinerit (ilaatigut PKU, AMA allallu) aaqqissuussaralugillu peqataasinjaasunik misissuisarnerit.
- Innuttaasunut illoqarfimmut allamut suliffissarsisinnaaffimminnut nuunniartunut nuttarnerulersitsinermut ikorsiissutit pillugit qinnuteqaatinik tigooraasarneq.
- Suliffeerunnermi ikorsiissutit aamma piginnaangorsaaqqinnissamut tapiissutit pillugit qinnuteqaatit suliassartaannik isumaginninnerit.
- Nunatta avataaneersunik sulisartunik sulisoqarnissat pillugit sulisitsisunit qinnuteqaatinik tigusinnittarnerit.
- Sumiiffiusumi, nunap immikkoortuani aamma nunami namminermi inuussutissarsorfimmut orniguffigisamik suliffeqarfimmi iliuuseqartarneq, kiisalu piviusutut atorfinitssinissanik siunnerfeqarluni sulisitsisup suliffissarsiortullu akornanni attaveqartitsinerit, kiisalu suliffimmi ilinniartunut sungiusartunullu inissaqarfissanik pilersitsinerit.

## Pingaarnersiukkatut tulleriaakkat

Suliassanut nassuarneqartunut kommunimi pingaarnersiukkatut tulleriaakkanik Majoriaq suliaqassaaq. Majoriap suliassaanut sammisassanik pingaarnersiuinermik matuminnga Namminersorlutik Oqartussat innersuussippu:

1. Ilitsersuineq
2. Aaqissuussiffiup avataani inuusuttut orniguffigalugit ilitsersorneri
3. Suliffissariuussineq
4. Piginnaangorsaaneq

## 6 Nalunaarusiortarneq

Ingerlatsinissamut tapiissutissatut aningaasaliissutaasunut naatsorsuutit peqatigalugit nassinneqartussamik naammassisassatut isumaqatigiissutip piviusunngortinnera pillugu Majoriami ingerlatsivinnit ataasiakkaanit tamanit ukumoortumik nalunaarusiaq communalbestyrelsip sularalugulu

Isumaginninnermut, Suliffeqarnermut Nunamullu Namminermut Naalakkersuisoqarfimmut nassiuattassavaa.

Ukiup tulliani kingusinnerpaamik aprilip aallaqqaataani naammassisassatut isumaqatigiissutip piviusunngortinna pillugu nassuaat kommunalbestyrelsip nassiuattassavaa. Ukiup ilivitsup siulianut qarasaasiakkut paasissutissanut aaqqissuussiffimmit IT-reg.-imit anillatsitat Majoriap kisitsisinik nalunaaruteqarnermini atussavai. Ingerlatsiviup pisussaaffigisaanik Majoriap piviusunngortinneranik nalilersuinissamik siunertaqarluni naammassisassatut isumaqatigiissummi aalajangiussatut naammassillugit anguniagassanut paasissutissat nalunaarutigisat assersuunneqassapput.

Qarasaasiakkut paasissutissanut aaqqissuussiffimmit IT-reg.-imit anillatsitat minnerpaamik iliuusissatut pilersaarusrisanik, holdikkaatut ingerlatsisimasunik, aamma tulluarsaqatigiaasunit pingasunit tamanit allattuiffiit imarissavaat.

Siuliani ukioq ilivitsoq nalunaarusiapi eqqartuiffigissavaa, aamma inuussutissarsiutinik ilinniartunut sularisat, piginnaanngorsaanerit, ilitsersuinerit aamma suliffeqarfik imarissallugit.

Nalunaarusiornermut najoqqtassiaq kakkiunneqartoq atorneqassaaq (Najoqqtassiaq:  
Naammassisassatut isumaqatigiissummut malitseqartitsineq).

### Suli.gl-imik atuineq pillugu

Kalaallit Nunaanni atorfinnut inuttaligassanut ataatsimut isiginniffissiniarluni, aammalu suliffissarsiortunut atorfinnik innersuussiniarluni communalbestyrelsip suliffissarsiortfittut nittartagaq [www.suli.gl](http://www.suli.gl) atussavaa. Kommunalbestyrelsip tassannga atuinissamik ilitsersuinissamut akisussaaffigisaanut nittartakkamut suliffissarsiortup CV-ni inississavaa, aammalu suliffissarsiortup nammineq isumagisinhaassanngippagu suliffissarsiortup CV-anik communalbestyrelse inissiissaaq.

Ilinniagarisap ilaatut suliffimmi ilinniarnermik imaluunniit sungiusarnermik ingerlatassamik ilaqaartumi inunnut ilinniagassami tiguneqartussaasunut, aammalu Naalakkersuisut suliffissarsiortfittut nittartagaani CV-mik immersuinissamut suliffimmi ilinniarfissamik imaluunniit sungiusarfissamik isumaqatigiissummit atsiugaqarsimanngitsunut Majoriaq ilitsersuisinnaavoq, takuuk ilinniartut sungiusartullu atorfinitssinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq.

Majoriap sularisai pillugit Namminersorlutik Oqartussat, kiisalu Kalaallit Nunaanni Naatsorsueqqissaartarfik qaqugukkulluunniit IT-reg.-imik aamma suliffissarsiortfittut nittartagaq [www.suli.gl](http://www.suli.gl) ikorsiullugit naatsorsueqqissaarutitut paasissutissanik pissarsiniartarsinnaapput, takuuk Inatsisartut inatsisaat nr. 28 ulloq 9. december 2015 suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit, kiisalu Isumaginninnermut, Suliffeqarnermut Nunamullu Namminermut Naalakkersuisoqarfimmut Nalunaarsuinissamut lleqqoreqqusaq.

Ullut 14-it sinnerlugit suliffissarsiortut tamarmik [www.suli.gl](http://www.suli.gl)-imi CV-liussapput.

## 7 Sulisorisat

Majoriami suliarisassat isumaginissaannut Majoriami sulisorisat akornanni piginnaasanik sanarfiginnituarnissaq annertusaajuarnissarlu kommunalbestyrelsip qulakeersimajuassavai.

Namminersorlutik Oqartussanit akiliutaasutut ingerlatsinissamut tapiissutit, takuuk *ingerlatsinissamut tapiissutit pillugit kapitali*, taamaallaat inuussutissarsiutinik ilinniarnermik ilitsersuisartutut ilinniartitsisartutullu sulisorisanut, kiisalu ingerlatsiviup pisortaanut aningaasarsiaqartitsinermut atorneqassapput. Taakkununngalu atasutut ilaapput sulisorisanut, soorlu ilinniarnermut suleqatigiinnermullu atatillugit angalanerit, pikkorissartitsinermut atortussat aamma ilinniartitsinermut atortussat. Attuumassutilittut amerlassusilinnik ingerlatsivinnut pisortat saniatigut suliamut tunngasumik pisortamik (fagchefimik) atorfinititsinissani kommunalbestyrelsip kissaatigissappagu atorfimmut tassunga kommunip nammineq aningaasartuutigisassaq akilissavaa.

Suliassanik iluarsiinerup sapersaatiginagu pitsaassutsikkullu iluseqartumik isumagisinnaanissaanik qularnaarismik sulisorisat annertussuseqarnissaannik, katitersimanissaannik pisariallittullu piginnaasaqarnissaannik pisinnaasaqarnissaannillu Majoriami sulisut katitersimanerinut tunngatillugu kommunalbestyrelse isumaginnissaaq, taamaalillutik naammassisassatut anguniakkat tикинneqassammata. Taamaalillutik sulisorisat ilinniagaqarnikkut misilittakatigullu tunngavigisaat Majoriap suliassaanut anguniagaanullu naleqquttuussapput, taamaalilluni innuttaasunik suliffissaaleqisunik allanillu sulianik isumagisaqarneq sunniuteqarlunilu piginnaaffigisatut ilusilimmik pisinnaassamat. Majoriami sulisorisanik piginnaanngorsaanermut neqeroorutit Namminersorlutik Oqartussanik suleqateqarluni pissapput.

Sulisorisat aningaasarsiaannut atorfinititsitaanerannullu atugassarisat pisortat isumaqatigiissutaannit aamma Naalakkersuisut, kommunit aamma isumaqatiginniniarsinnaatitaasunut kattuffiit akornanni isumaqatigiissutini atsiorneqarsimasuni ilaapput.

Sulisunik pisinnaasalinnik atorfinititsinissamut tunngatillugu Namminersorlutik Oqartussat isumasioqatigiinnermik ikorsiisinnaapput.

## 8 Aaqqissuussaaneq

Matumanit naammassisassanut isumaqatigiissutikkut Suliffisanut, ilitsersuisarernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, ulloq 9. december 2015-imeersoq najoqqutaralugu suliassamik iluarsiissalluni kommunalbestyrelse pisussaaffilerpoq. Immikkoortoqarfittut ataasiusutut illoqarfinni ataasiakkaani tamani Majoriamik ataatsimik kommunalbestyrelse pilersitsissaq, takuuk inatsimmi § 1. Majoriamik aqqissuussineq kommunalbestyrelsip aalajangiussinerata kingornatigut pissaaq, aammalu suliassanik iluarsiinissamut tulluarnerpaatut ilusilimmik sumiifimmi pissutsinik sianiginnittuussalluni. Kommunip kissaatigissappagu aqqissuussinermut tunngatillugu suliamut tunngasutut isumasioqatigiinnermik Namminersorlutik Oqartussat ikorsiisinnaapput.

Majoriami suliassat assigiinngitsut tamakku aaqqissuussaanerat aamma timitalittut inissisimaffigisaat innuttaasunut paasiuminartuussapput.

Majoriamut illunik atortorissaarutinillu naleqquuttunik pissarsiaqarnissamut, taakkulu ingerlatarinerisa aserfallatsaalilugarinerisalu isumaginissaannut kommunalbestyrelse pisussaavoq. Sullivinni isumannaallisaanermut inatsimmi qaqqumulluunniit atuuttutut piumasaqaatinik illut atortorissaarutillu malittarissavaat. Majoriap atugassaatut illut sapinngisamik illoqarfiiq qeqqaniitinniarneqassapput, taamaalilluni kommunimi innuttaasunut Majoriamut attaveqarnissaq sapinngisamik takusassaallunilu naleqquututinneqassamat.

Kommunimi kollegianik ingerlatsinermut nakkutilliisarnermullu kommunalbestyrelse akisussaasuovoq.

## 9 Aningaasaqarneq

Majoriamik ingerlatsinermut ineriartortitsinermullu aningaasartuutit kommunip akiligassarai. Aningaasaliiffiunera ilaatigut ilitsersuinermut piginnaanngorsaanermullu tunngasortaanut Namminersorlutik Oqartussanit ingerlatsinermut tapiissutitigut, ilaatigullu assingusumik kommunimit akiliutaasukkut pisarpooq. Aningaasaliissutit ataatsikkut Majoriami ilitsersuinermut piginnaanngorsaanermullu tunngasortaanut naleqqiullugit suliassamik iluarsiinissamut naammattunik isumalluutinik qularnaarissapput, Majorami suliffissarsiuussinermut tunngasortaq kommunimit tapiissutinit akilerneqassalluni.

Namminersorlutik Oqartussanik Majoriamut tapiissutit ukiukkaartumik agguanneqartassapput. Aningaasanilli agguataarineq pisarnertuulli aningaasaliisarnertigut aningaasaqarnermut inatsisit atuuttut maleruarlugit aamma atuartunik ilinniartunillu kisitsinerit taavalu akissaatit sulinermilu atukkat pillugit isumaqtigissutit toqqammaviussapput.

Majoriamut namminersuutigisassatut naatsorsuutinut kontoliorneq aqqutigalugu kommunip suliassaasa aqtsinerisalu sinnerinut akisussaaffeqartitaangitsumik communalbestyrelse Majoriamik ingerlataqassaaq. Kontomi tassani naatsorsuutinik inissiinerit tamarmik pissapput, aammalu kommunip Namminersorlutik Oqartussanut tunniuttagaanut Majoriamik ingerlatsinermut ukiumoortumik naatsorsuutinut tunngaviussallutik.

Ukiumi naatsorsuiffimmeli tulliusumi naatsorsuutit inernerri kingusinnerpaamik ull. 1. maajimi nassiutissapput, naatsorsuutilu kingusinnerpaamik 1. oktobarimi. Taakku tamarmik qulinik kisitsitaqartitatut inissisimaffimmi nassiutissapput.

Ukiup siuliani kingusinnerpaamik 15. decembarimi naalakkersuisoqarfimmut ukiumut naatsorsuiffimmeli takkuttussamut missingersuutinik communalbestyrelse nassiussissaaq. Missingersuutit atuutsitaalersinnagit Namminersorlutik Oqartussanit akuerineqassapput.

Suliffeqarfimmut tunngasortaanut namminersuutigisamik missingersuusiamik communalbestyrelse tunniussaqassaaq, tamannalu naammassisassatut isumaqtigissutip atsiornerani Namminersorlutik Oqartussanut nalunaarutigissavaa.

Kommunalbestyrelse makkununnga aningasaqarnermut akisussaaffeqarpoq:

- Ornigunnikkut ilitsersuisarneq, aamma tamatigoortutut ilitsersuisarneq
- Suliffissarsiuussisarneq
- Paasisaqarniarluni ingerlatat – VM-imik ingerlatat
- Illunik assingusunillu aserfallatsaaliuinerit

## 10 Ingerlatsinermut tapiissutit

Ukiumoortumik ingerlatsinermut tapiissutaasartut kommunimut Isumaginninnermut, Suliffeqarnermut Nunamullu Namminermut Naalakkersuisoqarfikkut Namminersorlutik Oqartussat akiliutigisassavaat.

Ukioq naatsorsuiffik sioqqullugu oktoberip qaammataani kommunimut naatsorsuutigisatut ingerlatsinissamut tapiissutit nalunaarutigineqassapput, imaluunniit ukiumut pineqartumut akuersissutigisatut aningaasanut inatsisip kingornatigut piaernerpaamik.

Majoriamut ukiumoortumik missingersuummik nalinginnaasumik missingersuutinut ingerlattakkaminut atatillugu communalbestyrelse suliaqassaaq. Taanna ukioq missingersuusiorfusoq sioqqullugu kingusinnerpaamik 15. decembarimi naalakkersuisoqarfimmut nassiunneqassaaq. Majoriamut ukiumoortumik naatsorsuutinik nalinginnaasumik naatsorsuusiornermut ingerlattakkaminut atatillugu communalbestyrelse suliaqassaaq. Ukiup tulliani kingusinnerpaamik 1. maajimi naalakkersuisoqarfimmut naatsorsuutit inernerri nassiunneqassapput. Majoriamut naatsorsuutit kingusinnerpaamik 1. oktoberimi nassiunneqassapput.

Ukiut ataasiakkaat tamaasa ulloq 1. februari ingerlatsinermut tapiissutit 70 %-ii akiliutigineqassapput. Ukiumi tassani ulloq 1. oktoberimi sinneri 30 %-it akiliutigineqassapput, tassalu naammassisassatut isumaqatigiissutaasumi isumaqatigiissutigisat malittarineqarsimassappata. Taama pisoqarsimassanngippat communalbestyrelsimit naammaginartumik nassuaatip tunniunnissaata tungaanut naalakkersuisoqarfip 20 %-it sinneruttut uninngatissinnaavai. Tamanna pissanngippat kommunimut ingerlatsinissamut tapiissutinit 20 %-it sinneruttut taakku naalakkersuisoqarfip akiliutiginissai pinngitsoortissinnaavai. Ingerlatsinermut tapiissutaasut akilerneqarfiannut tamakkiisutut ingerlatsinermut tapiissutit ukioq naatsorsuiffusoq tamaat matussusiivigissavaat. Ingerlatsinissamut tapiissutinut tunniunneqartunut aqutsinermut communalbestyrelse akisussaasuuvoq, aammalu kapitali 6 najoqqutaralugu Namminersorlutik Oqartussanut nalunaaruteqarnissaminut pisussaasuulluni.

Inuussutissarsiutinik ilinniarfinni inuussutissarsiutinik ilinniartuinut attuumassutilittut suliassanut tunngatillugu Namminersorlutik Oqartussat tapiissutigisaat sularisanik ilinniartullu amerlassusaannit aalajangerneqartarput, ukiumilu aningaasaliiffiusup siuliani ull. 1. oktoberimi ilinniartut amerlassuserisaat tunngavigalugit ukiumut ataasiartumik ukiumut naatsorsuiffimmuit takkuttussamut aalajangerneqartarlutik.

Majoriami inuussutissarsiutinik ilinniagaqarnermut ilitsersuinermut piginnaanngorsaanermullu tunngasortaanut tunngatillugit tapiissutit sinneri tassaapput aalajangersimasutut ingerlatsinermut tapiissutit.

### Immikkut ittutut iliuusissat aamma agguassassat

#### A. Inuuusuttut suliffissaaleqinerat malunnaatilimmik annikillinegassaaq/Sannavinnut

Inuuusuttuni suliffissaaleqisuni kommunimi amerlassusaasut, aammalu illoqarfinni inuuusuttut 30-t inorlugit ukiulinni tamatigoortumik amerlassusaasut aallaavigalugit sannavinni suliffinnillu sungiusarnermik ingerlatani holdinik ilassutaasussanik pilersitsinssap pisariaqarsinnaanera Namminersorlutik Oqartussat naatsorsuutigaat. Ajornanngippat pisariaqtitsinerit malillugit ilikkagassani ataasiakkaani atuagarsornertalimmik ilinniartitsinermik holdit ataqtigisiinneqarsinnaapput.

Sumiiffikkaani pisariaqtitsinernik siuliani taaneqartutut naliersuinerit taakku aallaavigalugit ilassutitut sannavinni suliffinnillu sungiusarnermik ingerlatani aalajangersimatitatut pilersitsillunilu naammassinninnissamut ilassutitut suliniutinut aningaasaliissutinik aamma ilinniartuitigisassanik kommunip qinnuteqarnissaa naatsorsuutigineqarpoq.

Ilikkagassanut ilinniartitsisumut, suliniutinut atortussanut ingerlatsinermullu, kiisalu ilinniartuitigisassanut aningaasaliissutaasut suliniuteqarfiusumut toqqaannartumik tunniunneqassapput, aammalu sulinummut atatillugu aningaasartuutaasut taarsiiviginissaannut akiliutaassallutik. Sulinummut akisussaasoq toqcarneqassaaq, aammalu Isumaginninnermut, Suliffeqarnermut Nunamullu Namminermut Naalakkersuisoqarfik peqatigalugu ingerlanneqartuartumik akiligassanik isumannaarfingineqartassalluni.

Sulinummut aningaasaliissutit akuerineqartut ilinniartuitigisassallu Isumaginninnermut, Suliffeqarnermut Nunamullu Namminermut Naalakkersuisoqarfilla isumannaarfingineqartassapput.

#### B. 15-18-inik ukiulinnut iliuuserisat/Atuagarsornertaqanngitsumik ingerlatat

2013-imi ukiut sisamat ingerlaneranni 15-18-inik ukiulinnut immikkut ittumik iliuuserisaq Namminersorlutik Oqartussat aallartisarpaat. Minnerpaamik qaammatinik pingasunik sivisussuseqartumik ukiumoortumik peqataasunut 20-nut sumiiffigisamut naleqqussakkamik ingerlatap 'atuagarsornertaqanngitsup' ingerlanneqarnissaanut aningaasaliissuteqartarnerup nanginnissaa Isumaginninnermut, Suliffeqarnermut Nunamullu Namminermut Naalakkersuisoqarfip aalajangiussimavaa. Ingerlatamut tassunga ukiumoortumik 660.000 kr.-nik aningaasaliissuteqartoqarpoq. Ilinniartunut tapiisarnerit immikkut ittumik akiliutigineqartassapput.

Aningaasaliissutit ingerlatap naammassereernerani nuunneqassapput.

### **C. Nunaqarfinni ilitsersuineq**

Inuuusutunik 15-29-nik ukiulinni qulit sinnerlugit najugaqartuuffilinni nunaqarfinni tamani 'ikaarsaariarfimmi ilitsersuinerit' naammassineqassapput. Nunaqarfinni 15-29-nik ukiulinnik taakkunani inuuusuttut qulit inorlugit najugaqartulinni nunaqarfinni ilitsuisarneq nunaqarfimmi qaninnerpaami, illoqarfimmi qaninnerpaami, oqarasuaatikkut imaluunniit internet-ikkut pisassasoq Majoriaq naliliisaaq.

Angalanermut najugaqarnermullu aningaasartuutit, kiisalu paasisitsiniaanermut atortussat matussusernissaanut nunamut tamarmut agguassassaat ukiumoortumik 600.000 kr.-upput. Nunaqarfinnut tikeraarnissamut missingersuusiukkatut qinnuteqaat kommunalbestyrelsip Namminersorlutik Oqartussanut nassiatissavaa.

### **D. Ineriartortsinissamut agguassassat**

Majoriami suliniutinut aningaasaliissutit qinnutigineqarsinnaapput.

Nunamut tamarmut agguassassat tassaapput ukiumoortumik 2.000.000 kr., qinnuteqarnerullu kingornatigut aningaasaliisoqartarpooq.

## **11 Nakkutilliineq**

Naammassisassatut isumaqatigiissutip malittarineqarneranik, suliassallu iluarsiiviginerannik nakkutilliinissamut Namminersorlutik Oqartussat qaqugullukkuunniit pisinnaatitaaffeqarlutillu pisussaaffeqarput.

Namminersorlutik Oqartussat nakkutilliinerat marloqiusamik siunertaqarpoq: Ilaatigut akuttoqatigiaartumik nalunaaruteqartarnerit aamma IT-mik sakkussat atorlugit nalunaarsuisarnerit suliaqarfialugit malittarineri, aammalu naammassisassatut isumaqatigiissummik naapertuismik sumiiffiusuni ingerlatsinerit ineriartortsinerillu pisarnissaannik qularnaarinerit, ilaatigullu pisariaqartinneqassappat sulianut tunngasutut ikorsiinnerthik, isumasioqateqarnermik ilitsersuinermillu ikorsiiniarluni kommunilu oqaloqateqarneq.

Aningaasaliissutaasutut ingerlatsinissamik tapiissutit, kiisalu ilinniartunut tapiissutit akuersissutaasut atornerinik Isumaginninnermut, Suliffeqarnermut Nunamullu Namminermut Naalakkersuisoqarfik nakkutilliisuuvooq.

Aningaasaliissutaasumut naleqqiullugu siunertanut allanut ingerlatsinermut tapiissutit aamma ilinniartunut tapiissutit atorneqartut paasineqassappat ingerlatsinermut tapiissutit kiisalu ilinniartunut tapiissutit akiliutigineri Isumaginninnermut, Suliffeqarnermut Nunamullu Namminermut Naalakkersuisoqarfik unitsissinnaavai, aammalu ingerlatsinermut tapiissutit akiliutaasut tamakkiisumik imaluunniit ilaannakortumik utertillugit akiliutiginissaat piumasaqaatigisinnaallugu.

## **12 Akerleriissutaasut, pisussaaffimmik sumiginnaaneq aamma kalerriisarneq**

Isumaqtigiissut manna tassaavoq toqqammavissiisutut isumaqtigiissut. Isumaqtigiissummik paasisaqartarneq pillugu isumaqtigiinnginneq pinngussappat illua'tungeriit isumaqtiginninniarneq aqqutigalugu isumaqtiginninniassapput. Illua'tungeriit tamarmik isumaqtiginninniarususseqassanerat tunngavineqarpoq.

Isumaqtigiissummik matuminnga Namminersorlutik oqartussat sumiginnaassappata qaammatinik arfinilinnik sioqqutsisumik kalerriissuteqarluni communalbestyrelsip isumaqtigiissut atorunnaarsissinnaavaa. Tamanna sioqquillugu isumaqtigiissutip atorunnaarsinnissaanik communalbestyrelsip kissaateqarnera pillugu Namminersorlutik Oqartussat allaganngorlugu kalerriissummik pissarsiaqarsimassapput, aammalu minnerpaamik qaammammik ataatsimik piffissalikkamik isumaqtigiinngissutaasup suussusaa apeqqutaatillugu isumaqtigiinngissutaasinnaasut qanoq ilillutik iluarsiivigineqarsinnaanerinik siunnersummik pissarsissallutik. Ukiutut naatsorsuiffimmut takkuttussamat tapiissutissat inaarutaasutut nalunaarutigineranni nalunaarutaagallartumut naleqqiullugu annertuumik allannguuteqartoqassappat ukiup naatsorsuiffiup taassuma iluani isumaqtigiissut kommunip atorunnaarsissinnaassavaa.

Isumaqtigiissummi, imaluunniit tassunga ilanngussani nalunaarsukkatut suliassanik isumaginninnermik communalbestyrelse sumiginnaassappat, ilanngullugulu nalunaaruteqartarnermut pisussaaffigisamik malittarinningippat qaammatinik arfinilinnik sioqqutsisumik kalerriissuteqarluni Namminersorlutik Oqartussat isumaqtigiissut atorunnaarsissinnaavaat. Tamanna sioqquillugu isumaqtigiissutip atorunnaarsinnissaanik Namminersorlutik Oqartussat kissaateqarnerat pillugu communalbestyrelse allaganngorlugu kalerriissummik pissarsiaqarsimassaaq, aammalu Namminersorlutik Oqartussat tamatumunnga erseqqinnerusumik tunngavissiisummik tunniussaqassapput, kiisalu minnerpaamik qaammammik ataatsimik piffissalikkamik isumaqtigiinngissutaasup suussusaa apeqqutaatillugu isumaqtigiinngissutaasinnaasut qanoq ilillutik iluarsiivigineqarsinnaanerinik siunnersummik nassiussaqassallutik. Killissaliussap qaangiunnerata kingornatigut Namminersorlutik Oqartussat suli isumaqtigiissummik atorunnaarsitsiniassappata tamanna pillugu qaammatinik arfinilinnik kalerriinertalerlugu isumaqtigiissutip atorunnaarsinniarneranik Namminersorlutik Oqartussat communalbestyrelsimit nalunaarummik nassiussaqassapput.

Isumaqtigiissutigisatut suliassanik taakkuninnga communalbestyrelse suliaqarsinnaanngiffianik pisooarfimmik pinngortoqassappat, imaluunniit isumaqtigiissutigisatut naammassisassatut anguniakkat piviusunngortissinnaanngippagit tamanna pillugu kommune eriiinnaartumik Namminersorlutik Oqartusanut nalunaaruteqarnissaminut pisussaaffeqarpoq. Ajornartorsiutaamut tunngaviusumik iternga tikillugu nassuaateqartoqassaaq, kiisalu pisooqarneranut kommune nammineq iluarsiinissamut siunnersuuteqassalluni. Amma qanoq ililluni kommunip suliassanik iluarsiiniarneranik siunissamullu anguniagaasut anguniarnerinik iternga tikillugu nassuarneqassapput. Naammassisassatut anguniakkat uterneqartuartumik anguneqannginneri, imaluunniit tamakkuninnga malitseqartitsinerit amigaatigineri annertuutut sumiginnaanertut isigineqassapput, taamatuttaarlu suliaqarfiussallutik.

Naammassisassatut isumaqatigiissummi matumani nassuarneqartutut Majorami suliassat Naalakkersuisunit akuerineqartinnatik suliarinnittussarsiuutigineqaqqusaanngillat, allatulluunniit isumaqatigiissutip avataaniittumit, namminersortutut suliaqartuusumit isumagineqaqqusaanatik. Suliaqartumut allamut Majorami suliassaq ataaseq imaluunniit amerlanerit tunniunneqarnissaanik/suliarinnittussarsiuutiginissaanik kommunalbestyrelse kissaateqassappat suliassap tunniunneqarnera/suliarinnittussarsiuutiginera sioqquillugu tamatumunnga Namminersorlutik Oqartussani akuersisummik pissarsiniartoqassaaq.

### **13 Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq**

Isumaqatigiissut manna ullormit 1. januaari 2022-mit atuutileroq, atuuffigaalu piffissaq 1. januaari 2022-31. decembari 2024.

Isumaqatigiissummut matumunnga naleqqiullugu isumaqatigiissuteqarfittut piffissap iluani annertuunik allannguutit pissappata isumaqatigiissutip isumaqatiginniniutigeqqinnissaanik qaammatinik pingasunik killiliiffigisamik illua'tungeriit ataasiakkat tamarmik piumasaqaateqarsinnaapput. Isumaqatigiissutip isumaqatigiinniutigineqaqqissinnaanerata kingunerinngilaa isumaqatigiissummit unioqqutitsinerit tunngavigalugit suliassanngortitsisinnaanerup killilerneqarnissaa, takuuk imm. 11.

Minnerpaamik qaammatit arfinillit sioqquillugit kaleriutigalugu isumaqatigiissut illua'tungeriinnit tamanit atorunnaarsinnejarsinnaavoq. Isumaqatigiissut atorunnaarsinnejassappat isumaqatigiissummit matuminnga atsiugaqarneq sioqquillugu aningaasartuutinik agguataarinissamut tunngavigisatut atuuttut ilaattillugit inuussutissarsiutinik ilinniagaqartitsinermut tunngasutut suliassanik tamakkuninnga Namminersorlutik Oqartussat isumaginnituusussatut pisussaaffilerneqassapput.

Namminersorlutik Oqartussahut



Kommuneqarfik Sermersooq

Kommuneqarfik Sermersooq

Borgmester

Charlotte Ludvigsen

Kommuneqarfik Sermersooq

Kommunaldirektør

Ole Jakobsen

## Inatsisinut tunngasutut toqqammavigisat

Majoriami suliarisanut qaqugukkulluunniit atuuttutut inatsisitigut tunngatillugit toqqammaviusut malittarineqartuartussaapput. Isumaqtigiissutip atsiornerani inatsisinut tungnasutut toqqammavigisat tassaapput:

- Inatsisartut inatsisaat nr. 28 ulloq 9. december 2015 *Suliffisanut, Ilitsersuisarernut Pikkorissaqqinnernullu qitiusumik ingerlatsiviit* pillugit.
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguiteqartinneqarnera pillugu Inatsisartut inatsisaat nr. 27, 9 december 2015. (Sulisitsisut suliffissanut nittartakkamik atuinissaat)
- Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinnejnarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarneq il.il.)
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinnejnarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigititat)
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq
- Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allannguiteqartinnissaa pillugu Inatsisartut inatsisaat nr. 6, 3. juni 2015-imeersoq (Suliffinnut nittartakkap atorneqarnera)
- Suliffeqarnermi innersuussisarneq il.il. pillugit Inatsisartut inatsisaata allannguiteqartinneqarnera pillugu Inatsisartut inatsisaat nr. 32, 9. december 2015-imeersoq (Nuttarnerulersitsinissamut ikorsiissutit atorneqarnerulernissaat)
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq (taasumalu ataaniinatsimmut aallannguut atuutilertussaq 1. januar 2022: " *Ilinniartitaanermut inuussutissarsiutinillu siunnersuisarneq* pillugu Inatsisartut inatsisaata allanngortinnejnarnera pillugu Inatsisartut inatsisaat (Nuna tamakkerlugu ilitsersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuinermut piumasaqaatip ikkunneqarnera)" )
- Ilinniartitaanernut inuussutissarsiutinillu siunnersuisarneq pillugu Inatsisartut inatsisaannik allannguineq pillugu Inatsisartut inatsisissaattut siunnersuut nr. 12, 27. november 2018-imeersoq (Ilinniagaqartunik tarnikkut isumaginninnikkullu siunnersuisarneq pillugu ilassut, ilitsersuisarnerup ilaatut, aamma Siunnersuisarnermut Siunnersuisoqatigiit katitsigaanerat pillugu allannguut, aamma kalaallisuuani iluarsiissutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nr. 6, 6 juni 2016-imeersoq (Ilinniarnernik piginnaasalissutaasunillu ingerlatsinernik allanik neqerooruteqarsinnaanermut tunngavissiineq, lærlinginut isumaqatigiissuteqarsinnaanermut immikkut periarfissiineq, atuarfinni sulilluni sungiusarnernut, ileqqoreqqusanut il.il. tunngasunik aalajangersakkaniq erseqqissaaneq kiisalu Oqaatsinik Pikkorissarfik pillugu Inatsisartut inatsisaannik atorunnaarsitsineq)
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarnera pillugu Inatsisartut inatsisaat nr. 15, 12. juni 2019-imeersoq (Ingerlaqqilluni ilinniarnernik neqerooruteqartarneq pillugu aalajangersakkap atorunnaarsinnejcarnera)
- Suliffeerunnermi ikorsiissutit pillugit inatsisartut inatsisaat nr. 2, 15. maj 2014-imeersoq
- Piginnaanngorsaaqqinnissamut ikorsiisarneq pillugu Inatsisartut peqqussutaat nr. 4, 31. maj 2001-imeersoq, kiisalu Inatsisartut peqqussutaat nr. 3, 1. juni 2006-imeersoq piginnaanngorsaaqqiinermi ikorsiissutinut peqqusummik allannguineq pillugu.
- Piginnaanngorsaaqqinnissamut ikorsiisarneq pillugu Inatsisartut peqqussutaat nr. 4, 31. maj 2001-imeersoq
- Piginnaanngorsaaqqinnissamut ikorsiisarneq pillugu Inatsisartut peqqussutaata allanngortinneqarneranik Inatsisartut inatsisaat nr. 10, 1. juni 2017-imeersoq (Qulaajaaniarluni ingerlassaq, eqaannerusumik suliffeqarneq, aamma aningaasarianut tapiissutit)
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq Naalakkersuisunit akuerineqartutut ukiumoortumik aningaasanut inatsit
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paasissutissanik nalunauteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Kommunini suliffissarsiuussisarneq suliffissarsiortullu killilersimaarneqarnissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq
- Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq
- Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq

- Suliffeqarfimmi piginnaanngorsaaqqinnermi akissarsianut tapiissutit, piginnaanngorsaaqqinnermut pilersaarut, piginnaanngorsaaqqinnermi ikorsiissutit aamma eqaannerusumik suliffeqarneq pillugit Namminersornerullutik Oqartussat nalunaarutaat nr. 40, 13. december 2001-imeersoq
- Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-imeersoq
- Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq
- Karakteeriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Suliffeqarnermut, suliffissarsiortut ilinniagaqalerniartullu suliersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paassisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Ilinniartut sungiusartullu atorfinitssinnerini suliffit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq
- Inuussutissariornermut, Suliffeqarnermut Nunamullu Namminermut Tunngassutilinnut Naalakkersuisoqarfimmut nalunaarsuisarnermut ileqqussaq.

**Ilanngussaq: Najoqqutassiaq: Naammassisassatut isumaqatigiissummut malitseqartitsineq**

**Ilanngussaq: Punkt A-mut qinnuteqarnermut immersuiffik**

**Majoriamut tapiissutinik isumaqatigiissut**